



# ATASSUT INATSIARTUNI

---

ATASSUT

UKA 2013/22-1

Gerhardt Petersen

09.10.13

**Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 2/2012-imik, ataani allassimatut oqaasertalimmik, Inatsisartut tapersiinissaannik Inatsisartut aalajangiiffigisassaattut siunnersuut:**

**Nunat Avannarliit Killiit Siunnersuisoqatigiiffiata Savalimmiuni Naalakkersuisunut, Kalaallit Nunaanni Naalakkersuisunut Islandimilu Naalakkersuisunut kaammattuutigaat apeqqutit issittumut tunngasut eqqarsaatigalugit nunat suleqatigiinnerannik sakkortusaanermik aallartitseqqullugit, kiisalu suliasaqaarfanni nunat ataatsimut soqutigisaqaarfigisaanni taamatullu iloriusissioornissamat isumaqatigiissuteqaarfigisinnaasaanni Issittoq eqqarsaatigalugit nunat avannarliit killiit ataatsimut iloriusissioornissaannik sulissuteqaqqullugit. Siunnersuisoqatigiiffiup taamatuttaaq naalakkersuisut qinnuigaat nunani pineqartuni nunanut allanut naalakkersuisut akuttunngitsumik ukiumoortumik minnerpaamillu ukiut marlungorneri tamaasa naapeqatigiittarnissaannik apeqqutit issittumut tunngasut kiisalu apeqqutit allat nunat avannarliit killiit ataatsimut soqutigisaqaarfigisaat oqallisigalugit. Ataatsimiinnerit taakku Nunat Avannarliit Killiit Siunnersuisoqatigiiffiata ukiumoortumik ataatsimiinnerinut atatillugu sapinngisamik ingerlanniarneqartassapput.**

(Aallartitat siulittaasuat Lars-Emil Johansen)

Savalimmiuni, Kalaallit Nunatsinni aammalu Island-imi Naalakkersuisut Nunat Avannarliit Killiit Siunnersuisoqatigiiffiannit kaammattorneqarput apeqqutit issittumut tunngasut eqqarsaatigalugit nunat pineqartut suleqatigiinnerat sakkortusarneqassasoq, tamatumalu saniatigut nunat pineqartut iloriusissioornissaat isumannaarneqassasoq kiisalu nunat pineqartut nunanut allanut Naalakkersuisut akuttunngitsumik naapeqatigiittarnissaat kaammattuutigineqarpoq.



## ATASSUT INATSIARTUNI

---

ATASSUT-mit iluarisimaakkatsinnik Nunani Avannarlerni Siunnersuisoqatigiit issittoq pillugu suleqatigiinneq ukiut tamaasa annertusarneqarpoq, tassami nunat issittumiittut ataatsimoortumik suleqatigiinnermikkut angusassaata annertunerussasoq qularutigisassaangilaq.

ATASSUT-mit mianersoqqutiguarparput suliassaqarfiit ataasiakkaat qaleriiaartumik aaqqissuussisoqarneratigut angusassaagaluit kimeerutsinneqaannaratik aammali siunertat pitsaagaluqisut angusaqarfiusumik sulissutiginiarneri pisariunerulersarmata.

Taamaammat Nunat Avannarliit Killiit Siunnersuisoqatigiiffiannit matumani siunnersuutigineqartoq paasilluarsinnaagalarlutigu aaqqissuussineq allatut iluseqartinneqarsinnaappat, taamaalilluni Nunat Avannarliit Siunnersuisoqatigiiffianni annerpaamik sunniuteqarsinnaanissaq siunertaralugu aammalu Kalaallit Nunarput, Island aamma Savalimmiut periaasissamik nassaarniaqatigiinnissaat aqqutissiuunneqaqqaarpat nukittunerusumik inissisimanissarput qularutissaangimmat, ATASSUT-mit kaammattuutigissavarput suleqatigiissutissatut siunniunneqartut nalilersorluarneqassasut.

Taamatut oqaaseqaateqarluta Nunat Avannarliit Killiit Siunnersuisoqatigiivisa siunnersuutaat tunngaviatigut taperserparput, taamaattorli Siunnersuisoqatigiinnut kaammattuutigissavarput suleqatigiiffiit qaleriaamik ingerlanneqannginnissaat siunertaralugu suleqatigiinneq pioreersoq atorlugu nunat pineqartut pingasut qanoq annertusisamik suleqatigiissinnaanersut avammullu kiinneqatigiittarsinnaanersut isumaliutigeqqullugu.